

1 Yohane

Kekecac ackuazéc.

1 ¹Kekecac ackuazéc nalé hénihéniaiguc bec kerec imuac mia neŋaŋ gezacninanéŋ niŋaŋiŋ, nimma kicninanéŋ héŋaŋiŋ waŋu hémma méraninanéŋ késaosi wammiaŋiŋ. ²Waŋu kekec imi mewinini nénécmimia waŋec, waŋu kekec hémbénaŋa imi hémma héipucya wamma zéau énécmianziŋ. Kekec imi mia Maŋgocguc kerec. Keru Maŋgocnéŋ neŋaŋ muru mewinini nénécmiyec. ³Ini acguc niniguc ala kekec wamma kecbiŋ niŋac, nini kicninanéŋ hémma gezacninanéŋ momacnec niŋaŋiŋ imuac mia zéau énécmianziŋ. Neŋaŋ ala kekec imi Maŋgoc zéma Naŋa, Yesu Kristo iriguc momacnec. ⁴Waŋu kiwi yomi ségiséginina sécgémac niŋac oziŋ.

⁵Ackuazéc iwarunec nimma zéau énécmiziŋ imi yomuhuc, Anutu imi asacmararaŋ, siŋi imi iwac muru komodia ménŋ ménda hezac. ⁶Neŋaŋ Anutuguc ala kekec kecziŋ imuhuc zéma siŋi qeriaiguc keŋha waŋanziŋiguc neŋaŋ imi ac ikora zéma ackuazéc héla ménda tohoanziŋ. ⁷I eŋeyaoc asac mararaŋ qeriaiguc kecanzac imuac séc neŋaŋ asac mararaŋ qeriaiguc kecanziŋiguc neŋaŋ imi neŋaocnec ala kekec waŋamuma kecni Naŋa Yesu Kristo iwac sacnéŋ képésicnina moczoŋ zuac nénécmimac. ⁸Neŋaŋ képésicnina qahac zéziŋiguc neŋaocnec ikoc waŋamuziŋ, imuac niŋac ackuazéc héla imi ewa qerininaiguc ménda he nénécmizac. ⁹Képésicnina zé auziŋiguc, Anutu, ménŋzé ménŋzéya qahac, solaŋa miŋinanéŋ képésicnina waima birianina moczoŋ zuac sorocgé nénécmimac. ¹⁰Waŋu neŋaŋ képésic ménda waŋanziŋ zéziŋiguc, Anutuac ikora zémiziŋ. Waŋu iwac ackuazéc imi ewa qerininaiguc ménda hezac.

Héipuc icnina Kristo.

2 ¹Nambérac soroc hécna, ini képésic ménda wammu niŋac kiwi yomi o énécmizua. Waŋu ménŋ képésic wammaciguc, neŋaŋ héipuc ic saiwa waŋ nénécmima zéanzac imi Maŋgocguc keczac. Iwac qara imi Yesu Kristo, solaŋa miŋina. ²Inéŋ mia neŋaŋ képésic niŋac doenina memaŋ zé séwiya wai nénécmiyec. Waŋu imi nonac sac qahac, néŋ baec séc ic embac momac yanda

nerjan nijac imuhuc wajec. ³Nerjan iwac héna ac tohoma wanjanziñiguc haka imi hémma i nimmianziñ imi nij asarianziñ. ⁴Ic méñnéñ ni i nimmizua zéma iwac ackuazéc ménda tohozac imi ikoc ic wanzac. Wajuc qeriaiguc ackuazéc héla ménda hezac. ⁵Ic méñnéñ méñ iwac ackuazéc tohoma kecanzaciguc, Anutuac goi héihéinéñ iwac ewa qeriaiguc hélacnec solananima hezac. Imuac mia nini dimuhuc iwac qeriaiguc kecziñ imi nijasarianziñ. ⁶Méñnéñ méñ iwac qeriaiguc keczua zéanzac iminéñ Yesu wajec imuac séciguc wammac.

Héna ac qelia.

⁷Goi héihéiac buña ini, héna ac ni o énécmizua imi qelia qahac, imi wahala. Ini hénihénia igucnec késa kecanzu imi mia. Héna ac wahala imi ackuazéc ini becarunec nijanzu imi mia. ⁸Siñi imi kemmanec keru, asac mararaj héla imi bec asariyu, héna ac imuac héla imi Yesu zéma sugcinaiguc hicñi asariyu héñiac héñanzua. Imuac nij ni héna ac imuac héna ac qelia zéma méñgucnec o énécmizua. ⁹Méñnéñ méñ asac mararaj qeriaiguc keczua zéma alayawac ewa hazéc wammianzac imi siñi qeriaiguc keczacnec. ¹⁰Alaya goi héihéi wammianzac iminéñ asac mararaj qeriaiguc keru iwac qeriaiguc iwawai biria méñnéñ hema wammiyu érec étéñ wammacac séc qahac. ¹¹Wajuc méñ alayawac ewa hazéc wammianzac imi siñi qeriaiguc kecma imuac qeriaiguc keñha wanjanzac imuac nij siñinéñ kiwa nézicgéyu dimuaru kemmac imi ménda ninzac. ¹²Nambérac hécná, Yesuac qara nijac onac késpedesgina wai énécmidaczac hénia imuac nijac mia kiwi yomi o énécmizua. ¹³Mançoc ini i nalé hénihénia igucnec kecanzac imi nimmigic hénia imuac niña kiwi yomi o énécmizua. Sac qelihécná ini Biria miñina imi ogicgic hénia imuac nijac kiwi youmi o énécmizua. ¹⁴Nambérac hécná ini Mançoc nimmizu hénia imuac nijac kiwi yomi o énécmizua. Mançoc ini i nalé hénihénia igucnec kecanzac imi nimmizu, hénia imuac nijac kiwi yomi o énécmizua. Sac qelihécná, ini kucginaguc wajuc Anutuac ackuazéc qeriginaiguc nanu Biria miñina ogicgic, hénia imuac niña kiwi yomi o énécmizua.

Baec iwawai nijac siñ ménda nimmu.

¹⁵Baec zéma iwawai imuaru hezac imuac goi héihéi ménda wammimu. Méñnéñ méñ baecac goi héihéi waj mianzaciguc iwac qeriaiguc Anutuac goi héihéi imi ménda hemizac. ¹⁶Némac nij? Baeciguc iwawai hezac imi moczoñ séwiac siñ, kicac siñ zéma iwawai késa keczu me wanjanzu imuac séwi eñej wanzac. Wajuc imi moczoñ Mançocarunec qahac, néñ baec igucnec. ¹⁷Baec zéma imuac siñ imi qahac wammac, néñ méñnéñ méñ Anutuac ackuazéc tohoma keczac iminéñ tetecgia qahac kecanzac.

Kristoac hazéc.

¹⁸Nambérac hécná nalé yomi imi nalé tetecgia. Kristoac hazéc hamacac nij zézéya imi niñgic imuhucyanec deguc Kristoac hazéc sasala

bec hama keczu. Imuac niŋ nalé tetcgia wanŋac imi niŋasariziŋ. ¹⁹I eneŋ nonarunec hičŋima keŋgic. Néŋ nonac kitic hécnina qahac. Kitic hécnina wambunec imi niniguc kecbunec. Waŋu kitic hécnina qahac imuac hénia imi nénézégic héŋtegičbiŋ niŋac waima keŋgic. ²⁰Téréya miŋinanéŋ ini Uŋa Téréya haléc ésécnec qocgé énécmiyu megic. Imuac niŋac ini moczoŋ niniŋginaguc wanŋu. ²¹Ini ackuazéc héla ménda ninzu zéma kiwi yomi oénécmizua imuhuc ménda zéma nimmu. Imi qahac, néŋ ini imi ackuazéc héla imi niŋtegičgic, waŋu ikoc imi ackuazéc héla igucnec ménda hičŋianzac imuac niŋ kiwi yomi oénécmizua. ²²Méréneŋ ic ikora? Méŋ Yesu imi Kristo qahac zéanŋac imi mia. Ic imuhucyanéŋ Kristoac hazéc héla. Inéŋ Maŋgoc zéma naŋa qaecgé érécmianzac. ²³Méŋ Naŋa imi ménda ninzénégzac iwaru Maŋgocya qahac, néŋ méŋ Naŋa imi ninzénégzac inéŋ Maŋgocyaguc keczac. ²⁴Hénia igucnec iwawai gezacginanéŋ niŋgicac niŋgic imi qeriginaiguc hezac me qahac imi hémma niŋtgicgic. Imi heyuguc ini imuhucyanec Naŋa zéma Maŋgoc qerigiraiguc kecmu. ²⁵Sisipac ac inéŋ waŋ nénécmiyec imi kekec hémbénaŋa nénécmimiawac zézé seli imi mia.

²⁶Ac imi ikoc waŋ énécmianzu ionac niŋa imuhuc oénécmizua. ²⁷Ini iwarunec Uŋa téréyawac haléc naec naec megic qeriginaiguc keczac imuac némaciguc méŋneŋ ku énécmimacac niŋ wambunec? Iwac Uŋa téréyawac halécneŋ météré énécmimia iminéŋ iwawai moczoŋ ku énécmimac. Uŋawac ara imi hélanec, ikora qahac, imuac eneŋ ku énécmianzac imuac séc iwac qeriaiguc kecmu.

Anutuac nambérac héra.

²⁸Nambérac hécna deguc iwac qeriaiguc kecgic Yesuneŋ wininima mayu iwac kiwaiguc gamunina ménda nimma ewa bénzén wambiŋ. ²⁹I solaŋa miŋina waŋanŋac imi ninzuiguc ic méŋ solaŋa waŋu hémma iwarunec hičŋizac imi nimmu.

3 ¹Ninzu! Kurumeŋ Maŋgocnéŋ Anutuac nambérac hécna zé nénécmimaŋ zé goi héihéi dimuhucya waŋ nécnécmiyec! Waŋu nini imuhuc mia kecziŋ. Waŋu baec ic embac ieneŋ i ménda héŋtegičanzu, hénia imuac niŋ nini acguc ménda ninic tegicanzu. ²Soroc hécna neŋaŋ deguc imi Anutuac nambérac héra kecziŋ. Biaŋ dimuhuc kečbiŋ imi ménda hičŋi asarizac. Waŋu inéŋ wininiyu neŋaŋ iwac kekec tanera hezac séc hémbiŋ imuac niŋ neŋaŋ iwac kekec tanera imuhucyanec mia wamma kečbiŋ imi ninziŋ. ³Méŋneŋ méŋ eŋeya ewa qerianéŋ kekec imuac mambéc kecaŋzac imi Yesu qakola qahac qala qala wanŋac imuhucyanec eŋeya météré amuanzac.

⁴Méŋneŋ méŋ kápésic waŋanŋac imi hénia ac logianzac. Képésic imi hénia acac sigisigiya. ⁵Waŋu Inéŋ kápésicnina nonagicmaŋ zé wininiyec imi ini ninzu. Waŋu iwaru kápésic méŋ ménda hemizac. ⁶Méŋ iwac

qeriaiguc keczac iminéŋ kápésic ménda waŋanzac. Méŋ kápésic waŋanzac iminéŋ i méŋ ménda hémma nimmima keczac. ⁷Nambérac hécna méŋac méŋ ménda waigic, ikoc waŋ énécmiwac niŋac. Haka dindiŋa waŋanzac iminéŋ i solaŋa keczac séc solaŋanec keczac. ⁸Biria miŋinanéŋ hénihéniya igucnec kápésic wamma hama kerec. Imuac niŋ méŋ kápésic waŋanzac imi Biria miŋina iwarunec. Anutuac Naŋa inéŋ Biria miŋinawac ai imi mebirimaŋ zé wininiyec. ⁹Méŋnéŋ méŋ Anutu arunec hicŋima keczac imi Anutuac ac gocmianéŋ iwac qeriaiguc hekeru kápésic ménda waŋanzac. Anutu arunec hicŋima keczac imuac niŋac kápésic wamma kecmacac séc qahac. ¹⁰Anutuac nambérac me Biria miŋinawac nambérac imi hénia yomuhuciguc hicŋi asariyu niŋanzŋi; Méŋ haka dindiŋa ménda waŋzac imi Anutu arunec qahac. Méŋ alaya goiya ménda héianzac imi acguc Anutu arunec qahac.

Goi héihéi waŋamuwiŋ.

¹¹Ackuažéc yomi ini hénihéniya igucnec nimma keczu; Goi héihéi waŋamuwiŋ. ¹²Kainac haka ésécnec ménda waŋgic. Inéŋ Biria miŋinawac buŋa kecma munaya qeyu humuyec. Waŋu némac niŋ qehumuyec? Eŋeya wawaŋ meme biria, waŋu munayawac wawaŋ meme imi hiabia waŋu nimbupuc nimma qehumuyec. ¹³Dacmuna hécna zéma embac nauŋhécna, ini baecac ic embac eneŋ mézétiti waŋ énécmigic ménda aurimu. ¹⁴Neŋaŋ goi héihéi waŋamuanziŋ imuac mia nini humuc waima kecec qeriaiguc kerenziŋ imi ninziŋ. Méŋ tosara ionac goigina ménda héianzac imi humuc qeria igucnec keczac. ¹⁵Méŋ dacmuna héra me nauŋhéra goigina ménda héianzac imi ic qeŋe. Waŋu ic qeŋe iwac qeriaiguc kecec hémbénaŋa ménda hemizac imi ini ninzu. ¹⁶Yesu Kristonéŋ neŋaŋ niŋac wamma kekecy a waiyec. Waŋu neŋaŋ goi héihéi héla imi ninziŋ. Neŋaŋ acguc dacmuna hécnina ionac niŋac wamma kekecnina waiwiŋac hezac. ¹⁷Ic méŋnéŋ baecac iwawaiya sasala késa kecma ninzéŋ ninzéŋ dacmuna méŋnéŋ iwawai méŋ niŋac osiyu hémma ewa biric ménda wammimac imi Anutuac goi héihéinéŋ dimuhuc iwac qeriaiguc hemac? ¹⁸Nambérac hécna ac me ezelaŋnéŋ sac qahac, wawaŋ meme zéma ewa qeri hélanéŋ goi héihéi waŋamuwiŋ.

¹⁹Imuhuc wambiŋiguc neŋaŋ ackuažéc héla imuaru qékétama keczŋi imi asariyu nimbiŋ. Waŋu Anutuac wésiaiguc ewa qerininina meseligima qeri bénzéŋ kecbiŋ. ²⁰Ewa qerininanéŋ kápésic ninaguc zénénéc mimaciguc imi Anutuac ewa qerianéŋ ic neŋaŋ qerininawac séc qahac, Inéŋ séc méŋ kecma iwawai moczoŋ nindacanzac. ²¹Kokoc soroc hécna qerininanéŋ kápésic ginaguc zéma ménda zé nénécmiyu Anutuac kiwaiguc bénzéŋ kecbiŋ. ²²Waŋu iwac héna ac tohoma iwac kiwaiguc iwac ewa siŋ méndacma haka silic wanni, Inéŋ zéwelec welecnina nimma melenŋu iwawai moczoŋ hia mewiŋ. ²³Iwac héna ac imi yomuhuc; Naŋa Yesuac qara ninzéŋgéma héna

ac Inéj nénécmiyec imuac séciguc goi héihéi waŋamuwiŋ. ²⁴Ic embac eneŋ iwac héna tohozu ieneŋ iwac qeriaiguc keczu, waŋu ionac qeriginaiguc Inéj keczac. Uŋa Téréya nénécmiyu qerininaiguc keczac Inéj zéasariyu neŋaŋ qerininaiguc Inéj keczac imi niŋanzŋiŋ.

Uŋa hia me uŋa biria imi gésima héŋtegicma nimbiŋ.

4 ¹Kokoc soroc hécná, kua meme ic ikora sasala baeciguc hicŋima keczu. Imuac niŋ uŋa moczoŋnec ménda ninzéŋgému. Uŋa imi Anutu arunec me qahac imi niŋyacgémaŋ zé ala batuc waŋ énécmimu. ²Anutuac Uŋa imi yomuhuciguc niŋtegicmu; Uŋaya uŋaya Yesu Kristo baec ic héla wamma hayec imi ninzéŋgéanzac iminéŋ Anutu arunec hahaya wanzu. ³Waŋu uŋa méŋnéŋ méŋ Yesu ménda ninzéŋgézac imi Anutu arunec qahac. Imi Kristoac hazéc boŋawac uŋa. Hamac zéyu niŋgic Kristoac hazéra imi mia. Waŋu imi bec baeciguc hicŋima keczac. ⁴Nambérac hécná ini Anutu arunec. Qeriginaiguc keczac Inéj méŋ baeciguc keczac i qema ogicdarec, imuac niŋac eneŋ hazéc hécgina unuma onogiczu. ⁵Ieneŋ imi baec igucnec, imuac niŋ ac suruc baec igucnec imi zégic baec ic embac ieneŋ ac imi nimma tohoanzu. ⁶Neŋaŋ mia Anutuac buŋa, imuac niŋ méŋ Anutu ninzac inéŋ acnina niŋanzac, néŋ méŋ Anutu arunec qahac inéŋ acnina ménda niŋanzac. Ackuazéc hélawac uŋa me ikocac uŋa imi hénia imuhuciguc héŋtegicanziŋ.

⁷Kokoc soroc hécná neŋaŋ goi héihéi waŋamuwiŋ. Goi héihéi imi Anutu arunec imuac niŋac méŋ goi héihéi waŋ énécmianzac inéŋ Anutu arunec hicŋima kecma Anutu ninzéŋgéanzac. ⁸Anutu eŋeyaoc imi goi héihéiac miŋina, imuac niŋac goi héihéi ménda waŋ énécmianzac inéŋ Anutu ménda ninzac. ⁹Anutuac goi héihéi imi sucninaiguc yomuhuc hicŋiyec; Anutunéŋ Naŋa momacguc imi méliyu baeciguc mayec imi neŋaŋ iwarunec kekec héla mema kecbiŋ niŋac. ¹⁰Goi héihéiac hénia imi yomuhuc hezac, neŋaoc Anutu goi héihéi wammiyiŋ imi qahac, Anutu eŋeyaoc goi héihéi waŋ nénécmima neŋaŋ kápésicnina mulu memac niŋac Naŋa méliyu mayec. ¹¹Kokoc soroc hécná Anutunéŋ imuhuciguc goi héihéi waŋ nénécmiyec, imuac niŋ imuhucyanec neŋaŋ goi héihéi waŋamuwiŋ. ¹²Ic méŋnéŋ méŋ Anutu ménda héŋec, néŋ goi héihéi waŋamuwiŋiguc Anutu I eŋeyaoc neŋaŋ ewa qerininaiguc keczac. Keru iwac goi héihéianéŋ neŋaŋ qerininaiguc solaŋanima hemac.

¹³Inéj Iwac Uŋaya nénécmiyec imuac niŋ Inéj neŋaŋ qerininaiguc, neŋaŋ iwac qeriaiguc kecamuanziŋ imi ninziŋ. ¹⁴Maŋgocnéŋ baec séc ic embac humuc igucnec nénépésimac niŋ Naŋa méliyu mayec imi nini hémma héipuc wamma zéziŋ. ¹⁵Méŋnéŋ Yesuac niŋa Anutuac Naŋa zéma nimmiyu Anutunéŋ iwac qeriaiguc, inéŋ Anutuac qeriaiguc kecamumaoc. ¹⁶Imuhuc wamma Anutuac goi héihéi neŋaŋ muru hezac imi hémma ninzéŋgéma kecziŋ.

Anutu imi goi héihéiac miñina, méñ goi héihéiac qeriaiguc keczac imi Anutuac qeriaiguc keru Anutunéñ iwac qeriaiguc keczac. ¹⁷Imuhuciguc goi héihéinéñ neñañ sucninaiguc solañanimac. Wañu baec yomuac qeriaiguc iwac kekecyá ésécnec kecanzij imuac niñ gésigési nalé yandaiguc bénzén nambiñ. ¹⁸Bac yandiyandi imi goi héihéi qeriaiguc ménda hezac. Wañu goi héihéi hélanéñ bac yandi yandi imi nesiyu keñanzac. Némac niñ, bac yandi yandi iminéñ bakia zérabéraguc imuac buña, ic méñ bac yandi yandi wañanzac imi goi héihéiac qeriaiguc ménda solañanima kecanzac. ¹⁹Inéñ goi héihéi walac wañ nénécmiyec imuac niñac neñañ goi héihéi wañamuwiñ. ²⁰Méñnéñ ni Anutu goi héihéi wammianzua zéma nauñ dacmuna héra mézétiti wañ énécmimac ic imi ikoc ic. Némacniñ, méñ nauñ dacmuna héra kicnéñ inic inira ionac goi héihéi ménda wañ énécmianzac imi eneñ Anutu ménda héhéña imi goi héihéi hia ménda wammimac. ²¹Inéñ zézé seli ac yomi nénécmiyec; Méñ Anutu goi héihéi wammianzac iminéñ nauñ dacmuna héra goi héihéi kileñ wañ énécmimac.

Yesu imi Anutuac Naña.

5 ¹Méñnéñ méñ Yesu imi Kristo zéma ninzéngezac, inéñ Anutu arunec hicñjima keczac. Wañu ic méñnéñ méñ Mañgoc goi héihéi wammianzac inéñ iwac naña momacnec goi héihéi wammianzac. ²Neñañ Anutu goi héihéi wammima iwac zézé seli ac tohoma imuacnec mia Anutuac nambérac héra goi héihéi wañ énécmianzij imi asariyu niñanzij. ³Anutuac zézé seli ac tohoanzij haka iminéñ mia Anutu goi héihéi wammianzij wawañ meme imi mia wanzac. Wañu iwac zézé seli ac imi yéwéria qahac. ⁴Méñ Anutu arunec hicñiyec imi baecac ala batuc qema ogicanzac. Wañu baecac ala batuc qema ogicanzij ogicogic imuac kuha imi ninzén ninzénjina. ⁵Ic méñ Yesu imi Anutuac Naña zéma ninzéngezac i qahac zéwiñnec méréneñ baecac ala batuc imi hia qema ogicbacnec?

⁶Doku igucnec zéma sac igucnec hayec imi mia Yesu Kristo. Doku igucnec sac qahac, néñ doku zéma sac igucnec hayec. Uña Téréya, ackuažéc héla zézéac miñina wanzac imuac niñac Uña téréyanéñ héipucya wanzac. ⁷Imuac niñ haréwécneñ héipuc wamma zéanzu. ⁸Imi mia Uña Téréya zéma doku zéma sac, haréwéc iminéñ momacnec Yesu imi ic héla zézu. ⁹Neñañ ic embac onac héipuc ac imi ninzéngeanzij, wañu Anutuac héipuc ac imi kuha ogicogicya wanzac. Anutunéñ nañawac yomuhuc héipuc wamma zézac imuac héipuc ac yominéñ Anutuac héipuc ac wanzac; ¹⁰Méñ Anutuac Naña ninzéngeanzac inéñ héipuc imi eñeya qeriaiguc késa kecanzac. Wañu méñ Anutu ménda ninzéngeanzac inéñ Anutuac ikora zémianzac tanec wanzac. Némac niñ, inéñ mia héipuc Anutunéñ Iwac Nañawac wañec imi ménda

ninzéngéanzac imuac niŋ imuhuc zézua. ¹¹Héipuc ac imi mia yomuhuc; Anutunéŋ kekec hémbénaŋa nénécmiyec waŋu kekec hémbénaŋa imi Iwac Naŋawac qeriaiguc hezac. ¹²Méŋnéŋ Naŋaguc keczac iminéŋ kekec hémbénaŋa mema kecanzac. Méŋnéŋ Anutuac Naŋa ménda késama kecanzac iminéŋ kekec hémbénaŋa imi ménda késa keczac.

¹³Ni ackuazéc yomi onaru kekec hémbénaŋa imi he énécmizac imi niŋtegiŋmu niŋac ic embac Anutuac naŋa Yesuac qara ninzéngézu onac mia kiwi yomi oénécmizua. ¹⁴Nini Anutuac yomuhuc ninzéngéma ewa déŋ wamma kecanzŋ; Iwac ewa siŋ tohoma iwawai méŋac méŋ qesimiwiŋ imi hia niŋ nénécmidacmac. ¹⁵Inéŋ niŋ nénécmianzac imi ninzéŋiguc iwawai méŋac méŋ welecmianzŋ imi bec nénécmizac imi ninzŋ.

¹⁶Ic méŋnéŋ alaya méŋnéŋ késpedes humucac buŋa séc ménda wawaŋa imuhucya waŋkeru hémmaciguc iwac niŋac wamma Anutuaru welecmimac. Késpedesira humuc ac buŋa séc qahac waŋu Anutunéŋ kekec héla mimac. Késpedesira humuc mihicŋi mimia hemizaciguc imuac zéwelecmimu niŋac ménda zézua. ¹⁷Héna ac logilogi imi moczoŋ késpedes wanzac, néŋ késpedes tosara imi humuciguc ménda onagicma kemmac.

¹⁸Méŋ Anutu arunec hicŋiyec inéŋ késpedes ménda waŋanzac imi nini ninzŋ. Némac niŋ, Naŋa Anutu arunec hicŋiyec i imi Inéŋ héŋgaleŋ wammiyu Biria miŋinanéŋ ménda késa osi wammimac. ¹⁹Neŋaŋ imi Anutu arunec hicŋima kecziŋ, néŋ baec ic embac tosara imi Biria miŋina iwac qeriaiguc kecanzu imi neŋaŋ ninzŋ. ²⁰Anutuac Naŋa mama hama niŋtegiŋ qŋtegiŋ nénécmiyu neŋaŋ ac héla miŋina imi nimmima iwac qeriaiguc kecanzŋ. Kecma naŋa Yesu Kristoac qeriaiguc acguc kecanzŋ. Waŋu Yesu Kristo inéŋ Anutu héla zéma kekec hémbénaŋa keczac. ²¹Nambérac hécna héŋgaleŋ waŋamuma baniarawac ireha igucnec néŋgacma lakec kecmu.